

ԱՊՊԻՈՍ ԿԼՈՂԻՈՍԻ ԴԵՍՊԱՆՈՒԹՅԱՆ ՀԱՐՑԻ ՇՈՒՐՁ

ՍԵՐԴԱԿ ԿՐԿՍՍՇԱՐՅԱՆ

Տիգրան Բ Մեծի ժամանակաշրջանի հայ-հռոմեական պատերազմին հա-
խորդող իրադարձությունները պատմագրություն մեջ շարադրվում և ընդուն-
վում են հետևյալ կերպ. Միհրդատ VI նվաթառորը Միհրդատյան III պատե-
րազմում պարտվելով՝ փախել է Հայաստան (մ. թ. ա. 70 թ.)¹։ Լուկուլլոսը
շարունակել է Պոնտոսի նվաճումը (մ. թ. ա. 70 թ. ընթացքում)² և Ապպիոս
Կլոդիոսին ուղարկել Տիգրանի մոտ՝ պահանջելու Միհրդատին (մ. թ. ա. 71 թ.
վերջին կամ 70 թ.)³։ Տիգրանը Հայաստանում չէր. նա փյունիկիայում զբաղ-
ված էր ինչ-որ քաղաքներ գրավելով⁴։ Սակայն, ի վերջո, Տիգրանն ու Ապ-
պիոսը հանդիպել են. վերջինս պահանջել է Միհրդատին, մերժվել և վերա-
դարձել Լուկուլլոսի մոտ⁵։ Լուկուլլոսը, ավարտելով Պոնտոսի նվաճումը,
մեկնել է Ասիա պրովինցիա⁶։ Տիգրանը վերսկսել է իր արշավանքը Միջերկրա-
կան ծովի ափին⁷։ Մ. թ. ա. 69 թ. գարնանը Լուկուլլոսը ներխուժել է Հայաս-
տան, և Տիգրանը վերադարձել է հայրենիք⁸։

Ենթևել վերոգրյալից, ուսումնասիրողները գտնում են, որ Լուկուլլոսն իր
պրծողություններով աշխատել է թուլացնել Տիգրանի աշարճությունը⁹, որ
վերջինս ապահով է զգացել այն պահին, երբ պատերազմը բախում էր իր

¹ „Appiani Historia Romana“, vol. 1, Lipsiae, 1962, Mithr., 82, 368 (այ-
սուհետև՝ App., Mithr.); „Plutarch's Lives“, vol. 2, Loeb Classical Library [այ-
սուհետև՝ (LCL)], Cambridge, Massachusetts, London (այսուհետև՝ CML), 1959, Luc.,
XIX, 1 (այսուհետև՝ Plut., Luc.), Mamonis, Historiarum Heracleae Ponti,
Lipsiae, 1896, XLIV (այսուհետև՝ Memnon); Cicero, De imperio Cn. Pompei, (LCL),
CML, 1959, IX, 23 (p. 34), 2. Մանանդյան, Երկեր, հ. 1, Երևան, 1977, էջ 185, 478,
Ս. Կրկյաշարյան, Տիգրան II-ի վերաբերյալ մի կարևոր ուղղում («Պատմա-բանասի-
րական հանդես», 1967, № 4, էջ 277. այսուհետև՝ ՊԲՀ), «Հայ ժողովրդի պատմություն», հ. 1,
Երևան, 1971, էջ 582 (այսուհետև՝ ՀԺՊ)։

² App., Mithr., 82, 369; Plut., Luc., XIX, 1—2, Memnon, XLV, 1—3;
2. Մանանդյան, նշվ. աշխ., էջ 187, 483, ՀԺՊ, էջ 585։

³ Plut., Luc., XIX, 1, Memnon, XLVI, 2, 3. Մանանդյան, նշվ. աշխ.,
էջ 140, 428, 2. Աստուրյան, Քաղաքական վերաբերություններ ընդմեջ Հայաստանի
և Հռոմի, Վենետիկ, 1912, էջ 48—49, ՀԺՊ, էջ 583, 4. Էֆհարդ, Տիգրան Բ. և հայ-
լուկուլլոսի պատերազմները, Վիեննա, 1921, էջ 57։

⁴ Plut., Luc., XXI, 2.

⁵ Plut., Luc., XXI, 1—7, Memnon, XLVI, 2—3.

⁶ App., Mithr., 83, 375—376, 3. Մանանդյան, նշվ. աշխ., էջ 167, 484,
ՀԺՊ, էջ 585.

⁷ 2. Արմեն, Մեծ Տիգրան, Անթիլիաս, 1947, էջ 140, ՊԲՀ, էջ 277։

⁸ «Հովսեփոս Փլավիոսի Դիոն Կասսիոս», Երևան, 1976, Հրեական պատերազմի մասին,
I, 116 (էջ 35. այսուհետև՝ Jos. Flav., Bel. Jud.), Հրեական հնախոսություն, XIII,
421 (էջ 67. այսուհետև՝ Jos. Flav., Ant. Jud.), «Մովսիսի խորհրդածոյ
Պատմութիւն հայոց», Տփղիս, 1913, էջ 129, 2. Արմեն, նշվ. աշխ., էջ 141, ՀԺՊ, էջ 585,
ՊԲՀ, էջ 278։

⁹ 2. Մանանդյան, նշվ. աշխ., էջ 189, 485։

երկրի դռները, թերագնահատել է Հոռմի վտանգը¹⁰, և որ Տիգրանը, Ապպիոսին մերժելով, կարծել է, թե պիտի կանխեր պատերազմը¹¹: Այսպիսով, Տիգրան Բ Մեծը ներկայացվում է իբրև խաբված, միամիտ¹² անձնավորություն:

Ապպիոսի դեսպանության իսկությունն ընդունելու հանգամանքը ընդհատում է իրադարձությունների կապակցված շղթան: Այսպես, երբ Ապպիոսը մեկնել է Անտիոք, Տիգրանը, ինչպես վկայում է Պլուտարքոսը, Փյունիկիայում դբաղված էր ռազմական գործողություններով¹³: Լուկուլլոսի՝ Հայաստան ներխուժելուց առաջ Տիգրանի՝ Պաղեստինում և Փյունիկիայում գտնվելու մասին են վկայում նաև Հովսեպոս Փլավիոսը և Մովսես խորենացին¹⁴: Տիգրանը Հայաստան է վերադարձել Լուկուլլոսի ներխուժումից հետո¹⁵: Այսինքն՝ առնվազն Միհրդատյան III պատերազմի վերջին ժամանակաշրջանից մինչև Լուկուլլոսի՝ Հայաստան ներխուժելը Տիգրանը երկրում չէր: Հետևաբար, նա չէր կարող Անտիոքում ընդունել որևէ դեսպանություն: Միայն Պլուտարքոսը և Մեմնոն Հերակլեացին են խոսում այդ դեսպանության մասին¹⁶: Դրա վերաբերյալ ոչինչ չեն հաղորդում Ապպիանոսը¹⁷, Հովսեպոս Փլավիոսը, Մովսես խորենացին, Դիոն Կասսիոսը և ուրիշներ: Բնականաբար հարց է առաջանում՝ որքանով են արժանահավատ Պլուտարքոսը և Մեմնոնը: Բացի այդ, ինչու՞ անախել բաղմամբով պատմագիրների վկայությունները և հավատ ընծայել միայն երկու տեղեկության: Պլուտարքոսի մոտ, Ապպիոսի դեսպանության պատմությունը նկարագրվող գլխում¹⁸, տիրում է իրադարձությունների և փաստերի խառնաշփոթություն: Այստեղ խոսվում է և՛ Տիգրանի գործունեության, և՛ նրա արքունիքի, և՛ Տիգրանակերտի բնակչության կազմի, և՛ Ապպիոսին ընդունելու մասին: Շարադրանքն այնպիսին է, որ Տիգրանի՝ Ապպիոսին ընդունելու հատվածը¹⁹, կարծես, բռնի է մտցվել և հարմարեցվել Տիգրանի գործունեությանն ու արքունիքը նկարագրող հատվածին²⁰, Ուսումնասիրողները թեև այլ դեպքերում կասկածով են վերաբերվում Պլուտարքոսի շատ տեղեկություններին²¹, սակայն միշտ չէ, որ այդպես են վարվում Տիգրանի և նրա գործունեության կապակցությամբ: Տվյալ դեպքում նրա հաղորդումները, կասկած Տիգրան Բ Մեծի գործունեության հետ, մեծ մասամբ ընդունվում են անվերապահորեն:

¹⁰ ՀժՊ, էջ 583—584:

¹¹ Զ. Արմեն, նշվ. աշխ., էջ 139:

¹² Զ. Մանանդյան, նշվ. աշխ., էջ 488:

¹³ Plut., Luc., XXI, 2.

¹⁴ Jos. Flav., Bel. Jud., I, 116, Ant. Jud., XIII, 419—421; Մովսես խորենացի, էջ 129:

¹⁵ Jos. Flav., Bel. Jud., I, 116, Ant. Jud., XIII, 421, ՊԲ, էջ 278, ՀժՊ, էջ 585:

¹⁶ Plut., Luc., XIX, 1, XXI, 1, 6—7, Memnon, XLVI, 2—3:

¹⁷ Ապպիանոսը թեև նշված աշխատության մեջ խոսում է բաղմամբով դեսպանությունների մասին (App., 3, 6, 6, 19—20, 11, 33, 12, 38, 65, 270 կն.), այնուամենայնիվ ոչինչ չգրեմ Ապպիոսի դեսպանության մասին: Նա հաղորդում է միայն, որ Լուկուլլոսը Տիգրանից պահանջեց Միհրդատին (նույն տեղում, LXXXIII, 375):

¹⁸ Plut., Luc., XXI, 1—7.

¹⁹ Plut., Luc., XXI, 6—7.

²⁰ Plut., Luc., XXI, 3—5.

²¹ Զ. Մանանդյան, նշվ. աշխ., էջ 510—513 կն, ՀժՊ, էջ 583, 584, կն, Т. Моммзен, История Рима, т. 3, М., 1941, с. 49.

Մեմնոնը համարվում է շեզոք և վստահելի պատմագիր²², սակայն դա պետք է ընդունել վերապահությամբ, որովհետև Հոռմի և Հերակլեա քաղաքի (որի պատմությունն է շարադրել Մեմնոնը) փոխհարաբերությունները հիմնականում եղել են բարեկամական²³։ Բացի այդ, հայ-հռոմեական պատերազմի նրա նկարագրած որոշ մանրամասներ²⁴ չափազանց նման են Պլուտարքոսի, Ապպիանոսի և Դիոն Կասիոսի հաղորդած տվյալներին²⁵։ Հետևաբար, Մեմնոնը ևս օգտվել է նույն աղբյուրներից, այսինքն՝ նա դադարում է շեզոք լինելուց, ուստի և չպետք է վստահել նրա բոլոր վկայություններին։

Ուսումնասիրողները, հավատ ընծայելով Պլուտարքոսի և Մեմնոնի հաղորդած տեղեկություններին, չեն նկատել Հոմանոս փլավիոսի նշած շատ կարևոր վկայությունն այն մասին, որ Միհրդատը Լուկուլլոսին պարտվելուց հետո ապաստանել է ոչ թե Հայաստանում, այլ Հայաստանի վրայով փախել է Իբերիա (Միհրդատի վերջին պարտության վայրից՝ Կաբեյրայից, Իբերիա կարելի էր գնալ միայն Հայաստանի տարածքով)։ Քրայց հազիվ էր Պտղոմայիսը գրավվել, — գրում է Փլավիոսը, — երբ լուր հասավ Տիգրանին, թե Լուկուլլոսը, հետապնդելով Միհրդատին, չի կարողացել նրան բռնել, քանի որ (վերջինս) փախել է Իբերների երկիրը. և (Լուկուլլոսը), ասպատակելով Հայաստանը, պաշարել է (մայրաքաղաքը)²⁶։ Հոմանոս փլավիոսի այս վկայությունն անտեսելու հետևանքով հայ-հռոմեական պատերազմին նախորդող իրադարձությունները ուսումնասիրողները շարադրում են միակողմանի՝ Հոռմի նվաճողական քաղաքականության տեսանկյունից։ Այնինչ, այդ վկայության նկատմամբ պատշաճ ուշադրությունը կարող էր փոխել իրադարձությունների պատկերը։ Հոմանոս փլավիոսը, ի տարբերություն օտար մյուս պատմագիրների, անաչառ է ընդհանրապես, իսկ Հայաստանի վերաբերյալ իր հաղորդումներում՝ մասնավորապես²⁷։ Տվյալ դեպքում նրա վկայությունը կասկած չի հարուցում և ապացուցվում է հետևյալ հանգամանքներով։

1. Միհրդատը, Լուկուլլոսին պարտվելուց հետո, կարող էր փախչել միայն Իբերիա, որովհետև Տիգրանը, ինչպես ընդունված է²⁸ և վերը տեսանք, Հայաստանում չէր։ Միհրդատն, անկասկած, գիտեր այդ մասին և չէր կարող օգնություն ակնկալել նրանից։ Այդ պատճառով նա գնացել էր Իբերիա՝ այնտեղից Բոսպոր մեկնելու և տեղի կառավարիչ Մաքարեսից՝ իր որդուց, օգնություն ստանալու նպատակով։ Այս ենթադրությունը կասկած չի հարուցում, որովհետև հետագայում, Պոմպեոսին պարտվելուց հետո, համարյա նույն պարագաներում, Միհրդատը վարվել է նույն կերպ²⁹։ Սակայն այս անգամ

²² Հ. Մանանդյան, նշվ. աշխ., էջ 186, 481։

²³ Memnon, XXVI, 4, XXXIII, 2, LIX, 1—3.

²⁴ Memnon, LVII, 1—2, LVIII, 1—2.

²⁵ Plut., Luc., XXVII, 4, XXIX, 2, App., Mithr., LXXXV, 384, LXXXVII, 392, Cassii Dionis Cocceani Historiarum Romanorum quae supersunt, ed. Boissvain, Berolini, 1895, XXXVI, 2, XXXVI, 3, 1—3, 3.

²⁶ Jos. Flav., Ant. Jud., XIII, 421.

²⁷ Այդ մասին մանրամասը տե՛ս Հոմանոս փլավիոս։ Դիոն Կասիոս, էջ 13, 23, Ս. Կրկյաշարյան, Հին Հայաստանի և Փոքր Ասիայի քաղաքների պատմության դրվագներ, Երևան, 1970, էջ 112։

²⁸ ՊՔԶ, էջ 277—278։

²⁹ App., Mithr., 101, 468.

(Լուկուլլոսին պարտվելուց հետո) Միհրդատի մտադրությունը չիրագործվեց, որովհետև Մաքարեսն արգեն դաշինք էր կնքել Լուկուլլոսի հետ³⁰։ Միհրդատին մնում էր սպասել իրադարձությունների հետագա ընթացքին։

2. Լուկուլլոսի անմիջապես Հայաստան մտնելն առավել տրամաբանական է, քան այն, որ նա իբր դադարեցրել է Միհրդատին հետապնդելը և զբաղվել Պոնտոսի տարածքն ու քաղաքները գրավելով³¹, և իբր Տիգրանից Միհրդատին պահանջելուց հետո մեկնել է Ասիա պրովինցիա³²։ Տրամաբանական է, որովհետև Միհրդատի դեմ պատերազմն ավարտված կարելի էր համարել միայն Հռոմի երդվյալ թշնամուն գերելով կամ նրա մահով³³։ Հայտնի է, որ հռոմեացիներն ամեն կերպ ձգտում էին իրենց ձեռքը գցել մեկ ուրիշ ուրեթիմ թշնամու՝ Հաննիբալին³⁴, իսկ Պոմպեոսը՝ Միհրդատին³⁵։

Հովսեփոս Փլավիոսի նշված տեղեկությունից հայտնի է դառնում նաև, որ Լուկուլլոսը Հայաստան է ներխուժել Միհրդատին հետապնդելով³⁶, այսինքն՝ մ. թ. ա. 71 թ. աշնանը և ոչ թե մեկուկես տարի հետո, ինչպես ընդունված է³⁷։ Հովսեփոս Փլավիոսի այդ վկայությունը հաստատվում է Մովսես Խորենացու Բ գրքի ԺԴ դլխում շարադրված իրադարձություններով, որոնցից երևում է, որ Լուկուլլոսը Հայաստան է ներխուժել Տիգրանի գահակալման սկզբին՝ հավանական է մ. թ. ա. 71 թ., քանի որ, ըստ Խորենացու, Տիգրան Բ (Խորենացու մոտ՝ Տիգրան Միշինը) գահ է բարձրացել մ. թ. ա. 74 թ.³⁸։ Մտնելով Հայաստան, Լուկուլլոսը, Տիգրանի բացակայության պայմաններում, առիթը բաց չթողեց նվաճելու և մի թագավորություն³⁹, Կարելի է առարկել, թե Լուկուլլոսը չէր կարող թիկունքում թողնել լիովին չնվաճված Պոնտոսը։ Սակայն չմոռանանք, որ Պոնտոսի ռազմական հիմնական ուժերը ջախջախված էին, և բացի այդ, Լուկուլլոսը Պոնտոսում թողել էր Սորենատիոսին⁴⁰։

Հովսեփոս Փլավիոսի վկայությունը մեկ անգամ ևս հավաստում է, որ, ինչպես վերը տեսանք, Ապպիոս Կլոդիոսի ղեսպանությունը չի կայացել, որովհետև նախ՝ Միհրդատը Հայաստան չէր փախել և հարկ չկար նրան Տիգրանից պահանջել, երկրորդ՝ այդպիսի ղեսպանության համար ժամանակ անդամ չկար։ Այդ վկայությունից երևում է նաև, որ Միհրդատի և Լուկուլլոսի միջև մարտական գործողությունների ժամանակ Տիգրանն, իր հերթին, պատերազմում էր Փյունիկիայում և Պաղեստինում, այսինքն՝ վարում էր արտաքին բարենպաստ իրադրությանն համապատասխան քաղաքականություն։

³⁰ App., Mithr., 83, 375, Memnon, LIV, 1, Plut., Luc., XXIV, 1.

³¹ Plut., Luc., XIX, 1—2, App., Mithr., 82, 369.

³² App., Mithr., 83, 375—376.

³³ Հմմտ.՝ Cicero, Pro Murena, (LCL), CML, 1959, XVI, 34 (էջ 190).

³⁴ Ն. Մաշկին, Հին Հռոմի պատմություն, Երևան, 1951, էջ 269, «История древнего Рима», М., 1971, с. 112.

³⁵ Plut., Pomp., XXXIV, 1.

³⁶ Jos. Flav., Ant. Jud., XIII, 421.

³⁷ Հ. Մանանդյան, Նշվ. աշխ., էջ 186, 481, ՀԺՊ, էջ 585, ՊԲՀ, էջ 277.

³⁸ Լ. Շահինյան, Ո՞րն է Խորենացու «Հայոց պատմության» ժամանակագրական համակարգը («Բանբեր Մատենադարանի», 1967, № 8, էջ 43 և էջ 48-ի ու 49-ի միջև գտնվող աղյուսակը)։

³⁹ Հմմտ.՝ ՀԺՊ, էջ 585.

⁴⁰ Plut., Luc., XXIV, 1.

Մի կարևոր հանգամանք. մ. թ. ա. 59 թ. գարնանը նախատեսվել է դեսպանություն ուղարկել Տիգրանի մոտ՝ Ապպիոս Կլոդիոսի եղբոր՝ Պուլիոսի գլխավորությամբ⁴¹:

Այժմ տեսնենք, թե ինչպես է շրջանառության մեջ դրվել Ապպիոս Կլոդիոսի դեսպանության պատմությունը մ. թ. ա. 71 թ. վերջի կամ 70 թ. համար: Լուկուլլոսի հարձակումն անսպասելի էր և ավաղակային: Այդ մասին վկայում են ոչ միայն Հովսեպոս Փլավիոսը և Մովսես Խորենացին⁴², այլև՝ Պլուտարքոսն ու Մեմնոնը⁴³: Լուկուլլոսը չունեի Հայաստանի հետ պատերազմելու ծերակույտի կամ ժողովրդական ժողովի թույլտվությունը⁴⁴: Սալլուստիոսի մի վկայությունից երևում է, որ առանց թույլտվության պատերազմ կամ ճակատամարտ սկսելը ծանր հանցանք էր⁴⁵: Այդ հանգամանքներում, որոնք ինքն էր ստեղծել, Լուկուլլոսը պետք է զեկուցագրերում հորիներ ծանրակշիռ փաստեր իր հանցավոր գործողություններն արդարացնելու համար: Լուկուլլոսը (կամ Պլուտարքոսը, միևնույնն է) հորինել է մի պատմություն, թե իբր Տիգրանը և Միհրդատը մտադրվել են մտնել Կիլիկիա և Լիկոնիա՝ հռոմայեցիների վրա հարձակվելու համար⁴⁶: Այս պատմության շինծու լինելն ակնհայտ է: Ինչպես կարող էին նախահարձակ լինել Տիգրանը, որ Պաղեստինում և Փյունիկիայում էր, և Միհրդատը, որը ջախջախված և Իսթրիայում էր: Պլուտարքոսն իր հերոսին արդարացնելու համար Լուկուլլոսի կամ իր հորինածին ավելացնում է մ. թ. ա. 59 թ. նախատեսված դեսպանությունը⁴⁷ այն տանելով 11—12 տարի առաջ:

Այսպիսով, Լուկուլլոսի՝ Հայաստան ներխուժելու նախօրեին կատարված իրադարձությունների վերաբերյալ ունենք երկու հիմնական վկայություն. մի կողմից՝ Պլուտարքոսի և Մեմնոնի, մյուս կողմից՝ Հովսեպոս Փլավիոսի և Մովսես Խորենացու: Պլուտարքոսի նպատակն է ամեն կերպ հիմնավորել, որ Լուկուլլոսը իրավունք ուներ հարձակվելու Հայաստանի վրա, քանի որ Տիգրանն իբր որոշել էր նախահարձակ լինել և, բացի այդ, իբր նա Ապպիոս Կլոդիոսին մերժել է հանձնել Միհրդատին: Հովսեպոս Փլավիոսը և Մովսես Խորենացին չունենալով նման նպատակներ՝ հօգուտ Տիգրանի (Հովսեպոսը նույնիսկ հիմք ուներ ատելու Տիգրանին)⁴⁸, իրադարձությունները շարադրում են պարզ և հստակ, առանց խառնաշփոթության: Վերջիններին մոտ իրադարձությունները զարգանում են տրամաբանական հաջորդականությամբ, առանց ընդհատումների: Արդ, պետք է մերժել Պլուտարքոսի և այլոց տեղեկությունների արժանահավատությունը հայ-հռոմեական պատերազմի նախօրեի իրադարձությունների վերաբերյալ ու դրանք շարադրել Հովսեպոս Փլավիոսի

⁴¹ Cicero, Letters..., vol. 1 (LCL), CML, 1956, II, 4 (p. 118), II, 7 (p. 128) (այսուհետև՝ Cicero ad Atticum).

⁴² Jos. Flav., Bel. Jud., I, 116, Ant. Jud., XIII, 421; Մովսես Խորենացի, էջ 120.

⁴³ Plut., Luc., XXIV, 1—2, Memnon, LVI, 1.

⁴⁴ 2. Մանանդյան, նշվ. աշխ., էջ 192, 488, 2. Աստուրյան, նշվ. աշխ., էջ 48, 2. Արմեն, նշվ. աշխ., էջ 130, Т. Моммзен, նշվ. աշխ., էջ 56:

⁴⁵ Sallust, (LCL), CML, 1960, LII, 30—31 (p. 106).

⁴⁶ Plut., Luc., XXIII, 7.

⁴⁷ Cicero, ad Atticum, II, 4, II, 7.

⁴⁸ Հիմա.՝ «Հովսեպոս Փլավիոս: Դիոն Կասսիոս», էջ 23:

և Մովսեսն խորհնացու անաշառ ու տրամաբանական վկայությունների հիման վրա:

Ամփոփենք. հայ-հռոմեական պատերազմի նախօրեի իրադարձություններն ունեն հետևյալ տեսքը. Միհրդատյան III պատերազմին զուգընթաց տեղի էր ունենում Տիգրան Բ Մեծի արշավանքը Փյունիկիայում և Պաղեստինում: Միհրդատ VI պարտվելով Լուկուլլոսից և գիտենալով, որ չի կարող օգնություն ստանալ Հայաստանից բացակայող Տիգրանից, փախել է Իբերիա՝ այնտեղից Բոսպոր անցնելու նպատակով: Լուկուլլոսը, կրկակոխ հետապնդելով Միհրդատին, հանկարծակի ներխուժել է Հայաստան և, հայոց արքայի ու նրա ոսոքմական հիմնական ուժերի բացակայության պայմաններում, որոշել է նվաճել այն: Տիգրան Բ Մեծը լսելով այդ մասին, շուտափույթ վերադարձել է Հայաստան: Ինքնին հասկանալի է, որ նման պարագայում վերանում են նաև Տիգրան Բ Մեծի անհեռատես, խարված և միամիտ անձնավորություն լինելու մասին եղած ենթադրությունները: Այդ է վկայում Տիգրան Բ Մեծի ամբողջ դորձունեությունը:

К ВОПРОСУ О ПОСОЛЬСТВЕ АППИЯ КЛОДИЯ

СЕДРАК КРКЯШАРЯН

Резюме

В историографии принята точка зрения, согласно которой после поражения от Лукулла Митридат VI нашел убежище в Армении, и римский полководец Лукулл в качестве посла к Тиграну II Великому отправил Аппия Клодия с требованием выдать Митридата. Тигран отклонил требование Лукулла, и последний через полтора года вторгся в Армению. В действиях Лукулла историки усматривают цель усыпить бдительность Тиграна и считают, что Тигран был весьма спокоен перед надвигавшейся угрозой.

Анализ сведений Плутарха, Мемнона Гераклийского, Иосифа Флавия и Мовсеса Хоренаци, касающихся вышеупомянутых событий, приводит к выводу, что подобная трактовка событий исходит в основном от сведений Плутарха, который с целью оправдать незаконные действия Лукулла сочинил историю о посольстве Аппия Клодия. Из данных Иосифа Флавия и Мовсеса Хоренаци видно, что во время третьей Митридатовой войны Тигран в свою очередь был занят военными действиями в Финикии и Палестине, и что Митридат через Армению бежал в Иверию и, следовательно, незачем было требовать его у Тиграна. Кроме того, Лукулл вторгся в Армению, преследуя Митридата, так что у него не было времени для посольства.